



**Tashkent Medical
Academy**



**Siberian state medical
university**

**International scientific
and practical conference
of young scientists**

**“ISSUES OF BIOPHYSICS
IN MEDICINE”**

ISSN 2181-7812

11 May, 2023

GEMATOLOGIK ANALIZATORLARNING ISHLASH PRINSIPI

Курбонова З.Ч.¹, Полванхонов С.Н.², Имамов Э.З.², Назиров К.Х.²,
Абсалямова И.И.²

¹Ташкентская медицинская академия, ²Ташкентский университет
информационных технологий

Annotasiya. Qonni tekshirish uchun zamonaviy avtomatlashtirilgan analizatorlardan foydalanish gemopoetik tizimning holati va uning turli tashqi va ichki omillarga ta'siri haqida etarli darajada klinik ma'lumot olish imkonini beradi. Yuqori texnologiyali gematologik analizatori 20 dan ortiq parametr va 3 dan ortiq gistogrammani o'lchash imkoniyatiga ega. Gematologik analizator quyidagi o'lchov usullaridan foydalanadi: eritrotsit va trombositlarni aniqlash uchun impedans usuli; gemoglobinni aniqlash uchun kolorimetrik usul; leykotsitlarni aniqlash uchun oqim lazer sitometriyasi. Qolgan parametrlar bo'yicha natijalar hisoblanadi.

Kalit so'zlar: gematologik analizator, qon tahlili, eritrosit, hemoglobin, leykosit, trombosit.

Qonni tekshirish uchun zamonaviy avtomatlashtirilgan analizatorlardan foydalanish gemopoetik tizimning holati va uning turli tashqi va ichki omillarga ta'siri haqida etarli darajada klinik ma'lumot olish imkonini beradi. Yuqori texnologiyali gematologik analizatori 20 dan ortiq parametr va 3 dan ortiq gistogrammani o'lchash imkoniyatiga ega.

Gematologik analizator quyidagi o'lchov usullaridan foydalanadi: eritrotsit va trombositlarni aniqlash uchun impedans usuli; gemoglobinni aniqlash uchun kolorimetrik usul; leykotsitlarni aniqlash uchun oqim lazer sitometriyasi. Qolgan parametrlar bo'yicha natijalar hisoblanadi.

Klinik tahlil uchun qon och qoringa bemorning vena tomiridan K-EDTA antikoagulyantli probirkaga belgilangan chizig'igacha qon olinadi. Qon namunalarini tekshirish 5 daqiqadan 1 soatgacha tekshirilishi mumkin. Tahlil qon namunasini olgandan keyin 6-8 soatdan keyin o'tkazilganda, natijalarning ishonchliligi pasayadi.

Umumiy qon tahlili uchun analizator 15 mkl yoki 11,7 mkl qonni oladi. Aspiratsiyalangan namuna eritrotsit kamerasida erituvchisi bilan tez va aniq ravishda suyultiriladi. Qon namunalarini suyultirish qon hujayralarini hisoblash va o'lchamlarini aniqlash maqsadida barqaror muhitni ta'minlash uchun zarur.

Aspiratsiya qilingan qon eritrotsitlar kamerasida M-52 D erituvchisi bilan suyultiriladi va eritrotsitlar sonini sanash uchun qoʻllanadi. Keyin bu namuna lazer nurlari yoʻnaltirilgan oqim kyuvetasiga oʻtadi va unda qon hujayralari harakatlanadi. Bunda hujayralar hajmi va hujayra ichidagi komponentlarning zichligiga qarab lazer nurlari tarqaladi. Qon hujayralari orqali oʻtayotgan lazer nurining past burchakli tarqalishi hujayra hajmiga bogʻliq, lazer nurining yuqori burchakli tarqalishi yadroning kattaligi va zichligi kabi hujayra ichidagi tarkibiy qismlariga bogʻliq. Optik detektor tarqoq nurni payqaydi va elektr impulslariga aylanadi. Ushbu elektr impulslari 3D diagrammalarni yaratish uchun ishlatiladi. Gematologik analizatorlar qon hujayralarning tuzilishi va boshqa xususiyatlarini baholash uchun taxminan 10 000 hujayrani tekshiradi.

Lizirlovchi reagent qizil qon tanachalarini parchalab, gemoglobinni aniqlash va leykotsitlarni farqlash uchun moʻjallangan. Gemoglobinni oʻlchash kolorimetrik usul bilan amalga oshiriladi. Leykotsit/gemoglobin eritmasi gemoglobin kamerasida oʻtadi va u erda gemoglobinga liziz reaktivi qoʻshiladi va gemoglobin kompleksi hosil boʻladi. Kameraning bir tomoniga svetodiod oʻrnatilgan boʻlib, u 530 nm toʻlqin uzunligi boʻlgan monoxromatik yorugʻlik nurini chiqaradi. Boshqa tomondan suyultirilgan qon orqali oʻtgan lazer nurini oʻlchaydigan optik datchik oʻrnatilgan boʻlib, u orqali analizator gemoglobinni oʻlchaydi va hisoblaydi.

Qizil qon hujayralari va trombositlarni oʻlchashda elektrik impedans usuli qoʻllaniladi. Bu usulda qon hujayralari orqali oʻtganda yuzaga keladigan elektrik qarshilikni oʻlchanadi. Elektr oʻtkazuvchanlikni oʻlchash uchun qon hujayralari elektrodlar orasidagi maxsus kanal orqali oʻtkaziladi va elektrodlar bilan elektr qarshilik oʻlchanadi. Yaratilgan impulslar soni kanallardan oʻtgan hujayralar soniga boʻgʻliq. Impulsning amplitudasi zarrachalarning hajmiga toʻgʻri proporsionaldir. Hisoblangan koʻrsatkichlarga asoslanib, gematologik analizator RBC/PLT gistogrammalarini tuzadi.

Hujayralarning shakli, yadrosi, hujayraning hajmi; yadro-sitoplazmatik nisbati, sitoplazmatik qoʻshimchalar, donadorlikka mos ravishda lazer nurini turli burchak ostida sochadi.

Leykotsitlar kanalida, eritrotsitlar lizisi va leykotsitlar stabillashgandan soʻng, sitokimyoviy reaksiya paydo boʻladi, soʻngra leykotsitlar ikkita belgiga koʻra farqlanadi: hujayra oʻlchami, lazer nurlarini sochilishi, yorugʻlikning yutilishiga koʻra.

Bazofillarni boshqa granulotsitlardan farqlash bazokanalda amalga oshiriladi. Bazofillardan tashqari barcha leykotsitlarning sitoplazmasi namunani o'ziga xos lizat bilan qayta ishlagandan so'ng lizisga uchraydi. Keyin kanalda lazer nurlarining tarqalishi 2 daraja burchak ostida o'lchanadi, bu hujayralarni yadro shakliga qarab ajratishga imkon beradi.

Shunday qilib, qon elementlarini to'liq differensial hisoblash bilan ishlaydigan asboblardan foydalanish tahlilning aniqligini oshirishga, me'yor va patologiyani tekshirishga va qon o'zgarishini dinamik ravishda kuzatishga imkon beradi.

Adabiyotlar.

1. Курбонова З.Ч., Бабаджанова Ш.А. Цитологик ташхисга кириш: ўқув қўлланма. Тошкент, 2022. 137 б.
2. Курбонова З.Ч., Бабаджанова Ш.А. Цитологик ташхисга кириш: электрон ўқув қўлланма. 2022, 146 б.
3. Курбонова З.Ч., Бабаджанова Ш.А. Лаборатория иши: ўқув қўлланма. 2023, 150 б.
4. Babadjanova Sh.A., Kurbonova Z.Ch. Qon kasalliklari: o'quv qo'llanma. 2023, 156 b.
5. Kurbonova Z.Ch., Babadjanova Sh.A. Laboratoriya ishi: o'quv qo'llanma. Toshkent, 2022. 140 b.
6. Kurbonova Z.Ch., Babadjanova Sh.A. Laboratoriya ishi: elektron o'quv qo'llanma. Toshkent, 2022. 176 b.
7. Kurbonova Z.Ch., Babadjanova S.A. Sitologik tashxisga kirish: o'quv qo'llanma. Toshkent, "Hilol nashr", 2021. 152 b.
8. Kurbonova Z.Ch., Babadjanova Sh.A. Sitologik tashxis asoslari: o'quv – uslubiy qo'llanma. Toshkent, 2022. 47 b.
9. Kurbonova Z.Ch., Babadjanova Sh.A. Sitologik diagnostika asoslari: o'quv – uslubiy qo'llanma. Toshkent, 2022. 47 b.
10. Kurbonova Z.Ch., Babadjanova Sh.A., Saidov A.B. Gematologik kasalliklar sitologik diagnostikasi: o'quv uslubiy qo'llanma. Toshkent, 2021. – 56 b.
11. Kurbonova Z.Ch., Babadjanova Sh.A., Sayfutdinova Z.A. Laboratory work: o'quv qo'llanma. Toshkent, 2023.
12. Kurbonova Z.Ch., Babadjanova Sh.A., Sayfutdinova Z.A. Introduction to cytological diagnostics: o'quv qo'llanma. Toshkent, 2023.

TABLE OF CONTENTS
MUNDARIJA
ОГЛАВЛЕНИЕ

SECTION №1 ISSUES OF BIOPHYSICS IN MODERN MEDICINE
СЕКЦИЯ №1. ВОПРОСЫ БИОФИЗИКИ В СОВРЕМЕННОЙ
МЕДИЦИНЕ..... 4

THE ROLE OF Na^+,K^+ -ATPASE IN THE MECHANISMS OF VOLUME-DEPENDENT REGULATION OF CONTRACTORY ACTIVITY OF RAT PULMONARY ARTERY SMOOTH MUSCLE CELLS IN HYPOXIA *Koshuba S.O., Prshemysky M.A., Rashkauskaitė V.A., Golovanov E.A.* 4

PERINATAL HYPOXIA EFFECTS ON THE ENERGETIC FUNCTION OF BRAIN NEURONAL MITOCHONDRIA *Yeliubayev K.O.* , Kairat B.K.* 6

БИОФИЗИКА И ЕЕ ЗНАЧЕНИЕ В СФЕРЕ МЕДИЦИНСКОГО ОБРАЗОВАНИЯ *Собиржонов А.З.*..... 11

ИССЛЕДОВАНИЕ АЧТВ С ПОМОЩЬЮ КОАГУЛОМЕТРА HUMACLOT JUNIOR *Курбонова З.Ч.¹, Полванхонов С.Н.², Имамов Э.З.², Назиров К.Х.², Абсалямова И.И.²* 13

TIBBIYOTDA QO‘LLANILAYOTGAN YANGI ASBOB USKUNALAR VA ULARDA METAMATIKA VA FIZIKA FANLARINING AHAMIYATI. *Tuxtaxodjayeva F.Sh., Murodullayev M.N.*..... 17

ACCURACY AND RELIABILITY OF MEDICAL DEVICES EQUIPMENT *Abdurazzokov J.T., Mamadalieva U.P., Abdullaeva N.U.* 23

РОЛЬ ПОТЕНЦИАЛ-ЗАВИСИМЫХ КАЛЬЦИЕВЫХ КАНАЛОВ Т-ТИПА В ГЕНЕРАЦИИ СИНХРОННОЙ АКТИВНОСТИ НЕЙРОНОВ ГИППОКАМПА ПРИ ГИПЕРВОЗБУЖДЕНИИ *Сейткадыр К.А., Тулеуханов С.Т., Зинченко В.П., Кайрат Б.К.*..... 24

TALABALARNI TIBBIYOT OLIY TA‘LIM MUASSASALARIDA BIOFIZIKA FANIDAN LABORATORIYA ISHLARINI O‘TKAZISH UCHUN TAYYORLASH VA LABORATORIYA MASHG‘ULOTLARINI O‘TKAZISH METODIKASI *Maxkamova M.B., Akromova M.A.*..... 30

GEMATOLOGIK ANALIZATORLARNING ISHLASH PRINSIPI *Курбонова З.Ч.¹, Полванхонов С.Н.², Имамов Э.З.², Назиров К.Х.², Абсалямова И.И.²* 34

TIBBIYOT OLIY TA‘LIM MUASSASALARIDA BIOFIZIKA DARSLARIDA KASBIY MAZMUNDORLIKNI IFODALOVCHI SIFAT MASALALARNI TUZISH, TANLASH VA ULARNI YECHISH METODIKASI *Maxkamova M.B.*... 37